

水經注卷四十

漢 桑 欽 撰

後魏 酈道元 注

漸江水 揚州 斤江水 交趾

漸江水出三天子都

山海經謂之浙江也地理志云水出丹陽黟縣南
蠻中北逕其縣南有博山山上有石特起十丈上
峯若劒杪時有靈鼓潛發官長 舊本作
正長 臨縣以山
鼓為候一鳴官長一年若長雷發聲則官長不及

水經注

卷四十

浙江水

當作
不反 浙江又北歷黟山縣居山之陽故縣氏之漢

成帝鴻嘉二年以為廣德國封孫雲客王於此晉

太康中以為廣德縣分隸宣城郡會稽陳業潔身

清行遯跡此山

孔曄會稽志云陳業上虞人為會稽太守潔身清行志懷霜雪貞亮

之信同操柳下遭漢中微委官棄祿遁跡黟歙以求其志高邈妙蹤天下所聞 浙江又北

逕歙縣東與一小谿合水出縣東北翁山西逕故


城南又西南入浙江又東逕遂安縣南谿廣二百

步上立杭以相通水甚清深潭不掩鱗故名新安

分歙縣立之晉太康中又改從今名浙江又左合

鍾云狀水之
深此四字

在左



絕谿谿水出始新縣西東逕縣故城南爲東西長
谿谿有四十七瀨濬流驚急奔波聒天孫權使賀
齊討黥歙山賊賊固黥之林歷山山甚峻絕又工
禁五兵齊以鐵棧椽山升出不意人以白楸擊之
氣禁不行遂用竒功平賊抱朴子云賀將軍討山賊賊中有善禁者每交
戰刀劍不得拔弓弩還自向賀曰吾聞金在刃者可禁蟲有毒者可禁不能禁無刃物矣乃多作勁
木白楸選有力者五千人先登於是立始新之尉
宋本作於歙之華鄉令齊守之後移出新亭晉太
都尉

康元年改曰新安郡谿水東注浙江浙江又東北

水經注 卷四十

逕建德縣南縣北有烏山山下有廟廟在縣東七

里廟渚有大石高十丈孫云當五尺宋本圍水瀨

濬激而能致雲雨浙江又東逕壽昌縣南自建德

至此八十里中有十二瀨瀨皆峻嶮行旅所難縣

南有孝子夏先墓先少喪二親負土成墓數年不

勝卒浙江水又北逕新城縣桐谿注之水出吳興

郡於潛縣北天目山山極高峻崖嶺竦疊西臨後

澗山上有霜木皆是數百年樹謂之翔鳳林東面

有瀑布下注數畝深沼名曰蛟龍池池水南流逕

謂云只就水
口形色寫得
此燿燿有

縣西為縣之西谿谿水又東南與紫谿合水出縣
西百丈山即潛山也山水東南流名為紫谿中道
挾水有紫色磐石石長百餘丈望之如朝霞又名
此水為赤瀨蓋以倒影在水故也紫溪又東南流
逕白山之陰山甚峻極北臨紫谿又東南連山挾
水兩峯交峙反項對石往往相捍十餘里中積石
磊砢相挾而上澗下白沙細石狀若霜雪水木相
映泉石爭暉名曰樓林紫溪東南流逕桐廬縣東
為桐溪孫權藉溪之名以為縣目割富春之地立

水經注

卷四十

桐廬縣自縣至於潛凡十有六瀨第二是嚴陵瀨
瀨帶山山下有石室漢光武帝時嚴子陵之所居
也故山及瀨皆即人姓名之山下有磐石周廻十
數丈交枕潭際蓋陵所遊也桐廬谿又東北逕新
城縣入浙江縣故富春也孫權省并桐廬咸和元
年復立為縣浙江又東北入富陽縣故富春也晉
后名春改曰富陽也東分為湖浦浙江又東北逕
富春縣南縣故王莽之誅歲也江南有山孫武皇
之先所葬也漢末墓上有光如雲氣屬天黃武四

文市故神者
富春縣故神者
富春縣故神者
富春縣故神者

年孫權以富春為東安郡分置諸縣以討士宗吳志
云黃武五年秋分三郡惡地十縣置東安郡治富
春以全琮為太守平討山越又全琮傳云是時丹
陽吳會山民復為寇賊攻沒屬縣權分三郡險地
為東安郡琮領太守招誘降附數年中得萬餘人
此云以討士宗疑是字誤

父冢

北過餘杭東入于海

浙江逕縣左合餘干餘干疑作餘杭大谿江北即臨安縣

界水北對郭文宅宅傍山而谿宅東有郭文墓晉

建武元年驃騎王導迎文置之西園文逃此而終

水經注 卷四十

四

臨安令改葬之晉書郭文字文舉河內軹人少愛山水尚嘉遯鹿裘葛巾區種菽麥

採竹葉木實買益以自供王導聞其名迎置西園七年未嘗出入一旦逃歸臨安後以病卒建

武十六年縣民郎雅亂賀齊討之孫權分餘杭立

臨水縣晉改曰臨安縣因岡為城南門尤高謝安

池郡遊縣逕此門以為難為亭長浙江又東逕餘

杭故縣南新縣北秦始皇南遊會稽途出是地因

立為縣王莽之進睦也漢末陳渾移築南城縣後

谿南大塘即渾立以防水也縣南有三碑是顧颺

范甯等碑縣南有大壁山大壁山疑作大滌山郭文自陸渾

通云烏傷烏
羣來聚合爾
喙力勝鼓烏
口傷鼓聲吐
烏與烏並干
舌

遷居也。浙江又東逕烏傷縣北。王莽改曰烏孝郡。
國志謂之烏傷。異苑曰：東陽顏烏，以淳孝著聞。後
有羣烏銜鼓，集顏烏所居之邨。烏口皆傷，一境以
為顏烏至孝，故致慈烏。欲令孝聲遠聞，又名其縣
曰烏傷矣。浙江又東北流，至錢塘縣。穀水入焉。水
源西出太末縣，縣是越之西部，姑蔑之地也。秦以
為縣。王莽之末治。吳本作理也。吳寶鼎中，分會稽立東
陽郡。穀水東逕獨松故塚下，塚為水毀。其塼文筮
言吉、龜言凶。百年墮水中，今則同龜繇矣。穀水又

水經注 卷四十

東逕長山縣南，與永康水合。縣西。宋本作東陽郡治
也。縣漢獻帝分烏傷立郡。吳寶鼎中，分會稽置城
居山之陽，或謂之長仙縣也。言赤松采藥此山，因
而居之，故以為名。後傳呼乖謬，字亦因改。谿水南
出永康縣，縣赤烏中分烏傷上浦立。劉敬叔異苑
曰：孫權時，永康縣有人入山，遇一大龜，即束之以
歸。龜便言曰：游不量時，為君所得。擔者怪之，載出，
欲上吳王，夜宿越里，纜船於大桑樹，宵中樹忽呼
龜曰：元緒奚事爾也。龜曰：行不擇日。今方見烹，雖

鍾云子瑜那
那為鬼物暗
中賞識如此
朱云博洽人
為鬼所略如
此然識性淵
長四字不可
不謂元遜知
已

盡南山之樵不能潰我樹曰諸葛元遜識性淵
必致相困令求如我之徒計將安泊龜曰子明無
多辭既至建業權將煮之燒柴萬車龜猶如故諸
葛恪曰然以老桑乃熟獻人仍說龜言權使伐桑
取煮之即爛故野人呼龜曰元緒其水飛湍北注
至縣南門入穀水穀水又東定陽谿水注之上承
信安縣之蘇姥布縣本新安縣晉武帝太康三年
改曰信安水懸百餘丈瀨勢飛注狀如瀑布瀨邊
有如石牀牀上有石牒長三尺許有似雜采帖也

水經注

卷四十

本云承聲而
云四音寫盡
山人飛忽之
二聲柯事
琴用不
此者寧不
西其懷謬

東陽記云信安縣有縣室坂晉中朝時有民王質
伐木至石室中見童子四人彈琴而歌質因留倚
柯聽之童子以一物如棗核與質質含之便不復
饑俄頃童子曰其歸承聲而去斧柯漼然爛盡既
歸質去家已數十年親情凋落無復向時比
水分納衆流混波東逝逕定陽縣夾岸綠谿悉生
支竹及芳枳木連雜以霜菊金橙白沙細石狀如
凝雪石溜湍波浮響無輟山水之趣尤深人情縣
漢獻帝分信安立谿亦取名焉谿水又連逕長山

水經注
卷四十
長山

縣北北對高山山下水際是赤松羽化之處也

帝少女追之亦俱仙矣後人立廟於山下列仙傳云赤松

子神農時雨師也服水玉以教神農墮入火自燒常止西王母石室中隨風雨上下炎帝少女追之

亦得仙俱去谿水又東入于穀水又東逕烏傷縣之雲

黃山山下臨谿水水際石壁傑立高一百許丈又

與吳寧谿水合水出吳寧縣下逕烏傷縣入穀謂

之烏傷谿水閩中有徐登者女子化為丈夫與東

陽趙眇並善越方越方即封禪書所謂越巫越祝者也時遭兵亂相

遇於谿各示所能登先禁谿水為不流眇次禁枯

水經注 卷四十一 七

柳。柳為生莢。二人相示而笑。登年長。眇師事之。後

登身故。眇東入章安。百姓未知。眇乃升茅屋。支鼎

舊本作而爨。主人驚怪。眇笑而不應。屋亦不損。又

梧鼎嘗臨水求渡。船人不許。眇乃張蓋坐中。長嘯呼風。

亂流而濟。於是百姓神服。從者如歸。章安令惡而

殺之。民立祠於永寧。而蚊蚋不能入。眇秉道懷術。

而不能全身避害。事同萇弘。宋元之龜。厄運之來。

故難救矣。穀水又東入錢塘縣。而左入浙江。故地

理志云。穀水自太末東北至錢塘入浙江是也。浙

譚云登係女
比眇禁柳生
去矣以老夫
之妻相戲耳

謹云此可證
門聽浙江潮
之河

自奉時已名錢塘
紀云年可信

江又東逕靈隱山，山在四山之中，有高崖洞穴，左
右有石室三所，又有孤石壁立，大三十圍，其上開
散狀似蓮花。昔有道士長往不歸，或因以稽留為
山號。山下有錢塘，故縣浙江逕其南，王莽更名之
曰泉亭。地理志曰：會稽西部都尉澹錢塘，記曰：防
海大塘在縣東一里許，郡議曹華信家議立此塘
以防海水，始開募，有能致一斛土者，即與錢一千
旬月之間，來者雲集，塘未成而不復取，於是載土
石者皆棄而去，塘以之成，故改名錢塘焉。縣南江

水經注

卷四十

八

側有明聖湖，父老傳言湖有金牛，古見之，神化不
測，湖取名焉。縣有武林山，武林水所出也。闕駟云
山出錢水，東入海。吳地記言縣唯浙江，今無此水。
縣東有定巳，疑作巳諸山皆西臨浙江，水流於兩山
之間，江川急濬，兼濤水晝夜再來，來應時刻，常以
月晦及望尤大，至二月八月最高，峨峨二丈有餘。
吳越春秋以為子胥文種之神也。昔子胥死於吳
而浮尸於江，吳人憐之，立祠於江上，名曰胥山。吳
錄云：胥山在太湖邊，去江不百里，故曰江上，文種

誠字乃通借字
後人誤改
譚云今但言
晉書不言文
濤有吳無越
似缺一種

天人之考
由江
引

城於越而伏劍於山陰越人哀之葬於重山文種
既葬一年子胥從海上負種俱去游夫江海故潮
水之前揚波者伍子胥後重水者大夫種是以枚
乘曰濤無記焉然海水上潮江水逆流似神而非
於是處焉秦始皇三十七年將遊會稽至錢塘臨
浙江所不能渡故道餘杭之西津也浙江北合詔
息湖湖本名胙湖因秦始皇帝巡狩所憩故有詔
息之名也浙江又東合臨平湖異苑曰晉武時吳
郡臨平岸崩出一石鼓打之無聲以問張華華曰

水經注

卷四十一

可取蜀中桐林刻作魚形扣之則鳴矣於是如言
聲聞數十里劉道民詩曰爭有遠而合蜀桐鳴吳
石傳言此湖草穢壅塞天下亂是湖開天下平孫
皓天璽元年吳郡上言臨平湖自漢末穢塞今更
開通又於湖邊得石函函中有小石青白色長四
寸廣二寸餘刻作皇帝字於是改天冊為天璽元
年孫盛以為元皇中興之符徵五湖之石瑞也錢
塘記曰桓玄之難湖水色赤熒熒如丹湖水通
浦陽江下注浙江名曰東江行旅所從以出浙江

本湖口移水中起
山榭亭在址凡三

也。又逕會稽山陰縣有苦竹里，里有舊城，言勾踐封范蠡子之邑也。浙江又東與蘭谿合，湖南有天柱山，湖口有亭，號曰蘭亭，亦曰蘭上里。太守王羲之謝安兄弟數往造焉。吳郡太守謝昂封蘭亭侯，蓋取此亭以為封號也。太守王廙之移亭在水中。晉司空何無忌之臨郡也，起亭於山椒，極高盡眺矣。亭宇雖壞，基陛尚存。浙江又逕越王允常冢，北冢在木客村。耆彥云：勾踐使工人伐榮楯，欲以獻吳，久不得歸，工人憂思作木客吟，後人因以名地。

水經注 卷四十

勾踐都琅琊，欲移允常冢，冢中生分風，飛沙射人，人不得近。勾踐謂不欲遂止。浙江又東北得長湖，湖廣五里，東西百三十里，沿湖開水門六十九所，下溉田萬頃。北瀉長江，湖南有覆斗山，周五百里，北連鼓吹山，山西枕長谿，谿水下注長湖。山之西嶺有賀臺，越入吳，還而成之，故號曰賀臺。吳又有秦望山，在州城正南，為衆峯之傑，陟境便見。史記云：秦始皇登之以望南海，自平地以取山頂七里，懸磴孤危，徑路險絕。記云：板蘿捫葛，然後能升。

山上無高木。當由地迥多風所致。山南有嵯峴峴。裏有大城。越王無餘之舊都也。故吳越春秋云。勾踐語范蠡曰。先君無餘國在南山之陽。社稷宗廟在湖之南。又有會稽之山。古防山也。亦謂之爲茅山。又曰棟山。越絕云。棟猶鎮也。蓋周禮所謂揚州之鎮矣。山形四方。上多金玉。下多瑛石。山海經曰。夕水出焉。南流注于湖。吳越春秋稱覆釜山之中有金簡玉字之書。黃帝之遺識也。山下有禹廟。廟有聖姑像。禮樂緯云。禹治水旱。天賜神女。聖姑卽

水經注

卷四十

其像也。山上有禹冢。昔大禹卽位十年。東巡狩。崩于會稽。因而葬之。有鳥來爲之耘。春拔艸根。秋啄其穢。是以縣官禁民不得妄害此鳥。犯則刑無赦。山東有剛。去廟七里。深不見底。謂之禹井。云東遊者多探其穴也。秦始皇登稽山。刻石紀功。尚存山側。孫暢之述征書云。丞相李斯所篆也。又有石山石形似御覽引此作石厓。山石形似贗云云。上有金簡玉字之書。言行夏禹發之。得百川之理也。又有射的山。遠望山的狀若射侯。故爲射的。射的之西有石室。名之爲

朱云孔臯會稽記諺作斛一百斛一千不如此注斛米二字與又云會稽志有遙望茫茫有似張帆茫茫二字妙

若耶、新洞而出細見越書

謂云龍原文各選一大錢受之今但云各受一文引辭去疏存平識具

水經注 卷四十一

射堂年登否常占射的以為貴賤之準的明則米賤的闇則米貴故諺云射的白斛米百射的玄斛米千北則石帆山山東北有孤石高二十餘丈廣八丈望之如帆因以為名北臨大湖水深不測傳與海通何次道作郡常於此水中得烏賊魚南對精廬上蔭修木下瞰寒泉西連稽山皆一山也東帶若邪谿吳越春秋所謂歐冶鑄劍以成五劍谿水上承嶠峴麻谿谿之下孤潭周數畝甚清深有孤石臨潭垂崖俯視猿狖驚心寒木被潭森沈

駭觀上有一櫟樹謝靈運與從弟惠連常游之作連句題刻樹側麻潭下注若邪谿水至清照衆山倒影窺之如畫漢世劉寵作郡有政績將解任去治父老人持百錢出送寵各受一文然山栖遯逸之士谷隱不羈之民有道則見物以感遠為貴荷泉致意故受者以一錢為榮豈藉費也義重故耳谿水下注大湖邪谿之東又有寒谿谿之北有鄭公泉泉方數丈冬溫夏涼漢太尉鄭弘宿居潭側因以名泉弘少以苦節自居恒躬采伐用質糧膳

每出入谿津常感神風送之雖憑舟自運無杖楫之勞邨人貪藉風勢常依隨往還。有淹留者徒輩相謂汝不欲及鄭風邪其感致如此。湖水自東亦注江通海水側有白鹿山山北湖塘上舊有亭吳黃門郎楊哀明居於弘訓里太守張景數往造焉使開瀆作埭埭之西作亭亭埭皆以楊爲名孫恩作賊從海來楊亭被燒後復修立厥名猶在東有銅牛山山有銅穴三十許丈穴中有大樹神廟山上。有冶官山北湖下有練塘里吳越春秋云勾踐

水經注

卷四十一

十三

鍊冶銅錫之處采炭於南山故其間有炭瀆勾踐臣吳王封勾踐於越百里之地東至炭瀆是也縣

南九里有侯山山孤立長湖中晉車騎將軍孔敬

康少時遜世栖迹此山

孔曄會稽志云孔愉字敬康以論議守正爲王導所

銜出爲會稽內史在郡三年乃營山陰湖南湖北

侯山下數畝地爲宇草屋數間便棄官居之有三小山謂之鹿野山在縣南六里按吳越春秋

越之麋苑也山有石室言越王所游息處矣縣湖

北有陳音山楚之善射者曰陳音越王問以射道

又善其說乃使簡士習射北郊之外

吳越春秋范蠡進善射者

譚云在郡便
營地古人
多有此高

東音楚人也。王曰：善子之道，願子悉以教吾國人。
音一曰：道出於天，事在於人，人之所習，無有不神。乃
使音教士習射北郊之外。三
月，軍士皆能用弓弩之巧。
按吳越春秋音死葬

於國西山上。今陳音山乃在國南五里。湖北有射
堂及諸邸舍，連衍相屬。又於湖中築塘，直指南山。
北即大越之國。秦改為山陰縣，會稽郡治也。太史
公曰：禹會諸侯計於此，命曰會稽者，會計也。始以
山名，因為地號。夏后少康封少子杼以奉禹祠，為
越。世歷殷周，至於允常，列於春秋。允常卒，勾踐稱
王，都於會稽。吳越春秋所謂越王都埤中在諸暨

水經注

卷四十

十四

北界山陰康樂里，有地名邑中者，是越事吳處。故
北其門以東為右，西為左。故雙闕在北門外，闕北
百步有雷門，門樓兩層，勾踐所造。時有越之舊木
矣。州郡館宇屋之大瓦，亦多是越時故物。勾踐霸
世徙都瑯邪，後為楚伐，始還浙東。城東郭外有靈
汜，下水甚深，舊傳下有地道，通於震澤。又有勾踐
所立宗廟，在城東明里中。甘滂南又有玉笥竹林。
雲門天柱精舍並疏山，創基架林，裁宇。
疑脫一字 澗延
澗延山亦有說文
流盡泉石之好，水流逕通。浙江又北，逕山陰縣西。

譚云有飛輿
遊此漸近自
然矣

譚云怪遊臺
可觀天怪更
奇絕以其山
怪故無所不
怪耳

西門外百餘步有怪山本瑯琊郡之東武縣山也

飛來徙此。壓殺數百家。吳越春秋稱怪山者。東武

海中山也。一名自來山。百姓怪之。號曰怪山。亦云

越王無疆為楚所伐。去瑯琊山。東武人隨居山下

遠望此山。其形似龜。故亦有龜山之稱也。越起靈

臺於山上。又作三層樓以望雲物。一云勾踐起怪
游臺以灼龜。又

仰望天氣川土明秀。亦為勝地。故王逸少云。從山

陰道上。猶如鏡中行也。浙江之上。又有大吳王小

吳王邗。並是闔閭夫差伐越所舍處也。今悉民居。

水經注

卷四十

然猶存故目昔越王為吳所敗。以五千餘眾栖于

稽山。卑身待士。施必及下。呂氏春秋曰。越王之栖

於會稽也。有酒投江。民飲其流。而戰氣自倍。所投

即浙江也。許慎晉灼並言江水至山陰為浙江。江

之西岸有朱室塢。宋本
作塢。勾踐百里之封。西至朱室

為此也。浙江又東北。逕重山西。大夫文種之所葬

也。山上有白樓亭。亭本山下。縣令殷朗移置今處

沛國桓儼避地會稽。聞陳業履行高潔。往候不見。

儼後浮海南入交州。臨去遺書與業。不因行李繫

云仁樓亭
中石與城
下水可以作
對

譚云此三吳
分置之始

譚云語故音
詳見駁亦以
存異

吳王孫策
初云查祖
相傳與古
存祖

白樓亭柱而去升陟遠望山湖滿目也永建中陽
羨周嘉上書以縣遠赴會至難求得分置遂以浙
江西為吳以東為會稽漢高帝十一年亦當作吳
也後分為三世號三吳吳興吳郡會稽其一焉浙
江又東逕禦兒鄉萬善歷曰吳黃武六年正月獲
彭綺是歲由拳西鄉有產兒隨地便能語宋本作墮地便能語
云天明河欲清腳折金乃生是因詔為語兒鄉非
也禦兒之名遠矣蓋無智之徒因藉地民生情穿
鑿耳國語曰勾踐之地北至禦兒是也安得引黃

水經注

卷四十

武證地哉韋昭曰越北鄙在嘉興浙江又東逕柴
辟南舊吳楚之戰地矣備候於此故謂之辟塞是
以越絕稱吳故從由拳辟塞渡會夷溱山陰是也
浙江又逕固陵城北昔范蠡築城於浙江之濱言
可以固守謂之固陵今之西陵也浙江又東逕祖
塘謂之祖瀆昔太守王朗拒孫策數戰不利孫靜
果說策曰朗負阻守難可卒拔祖瀆去此數十里
是要道也若從此出攻其無備破之必矣策從之
破朗於固陵有西陵湖亦謂之西城湖湖西有湖

三餘
登作
也

步石聲震水
外正形容水

步石高急非身
近大山水間
不知其妙

城山東有夏架山湖水上承妖臯谿而下注浙江

又逕永興縣南縣在會稽東北一百二十里也闔

閩弟夫槩之故邑也王莽之餘衍也漢末童謠云

天子當興東南三餘之間故孫權改曰元興縣濱

浙江又東合浦陽江江水之導源烏傷縣又東逕

諸暨縣與洩谿合谿廣數丈中道有兩高山夾谿

造雲壁立凡有三洩洩懸三十餘丈廣十丈中二

洩不可得至登山遠望乃得見之下洩懸百餘丈

水勢高急聲震水外上洩懸二百餘丈望若雲垂

○高○急○非○此○守○說○不○出

水經注

卷四十一

十七

此是瀑布土人號為洩也江水又東逕諸暨縣南

縣臨對江流江南有射堂縣北帶烏山故越地也

夫槩王之故邑先名上諸暨亦曰勾吳矣故國語

曰勾踐之地南至勾吳王莽之疎虜也夾水多浦

浦中有大湖春夏多水秋冬涸淺江水又東南逕

剡縣與白石山水會山上有瀑布懸水三十丈下

注浦陽江浦陽江水又東流南屈又東迴北轉逕

剡縣東王莽之盡忠也縣開東門向江江廣二百

餘步自昔者舊傳縣不得開南門開南門則有賊

水經注卷四十一
恐畫不盡耳
譚云江上有
谿谿字當衍

譚云一篇絕
好遊記

朱云是聲響外
發即上聲震
水外意愈爽
能極

盜江水翼縣轉注故有東渡西渡焉東南二渡通
臨海並汎單舩為浮航西渡通東陽併二十五舩
為橋航江邊有查浦浦東行二百餘里與句章接
界浦裏有六里有五百家並夾浦居列門向水甚
有良田有青谿餘洪谿大發谿小發谿江上有谿
六谿列溉散入江夾谿上下崩崖若傾東有輦山
會稽志云輦山在嵯縣東三十一里孔曄云山遙望之如鋪簾也南有黃山與白
石三山為縣之秀峯山下衆流前導湍石激波浮
險四注浦陽江又東逕石橋廣八丈高四丈下有

水經注 卷四十一

石井口徑七尺橋上有方石長七尺廣一丈二尺
橋頭有磐石可容二十人坐谿水兩傍悉高山山
有石壁叙得細一十許丈谿中相攻轟響外發未至橋數
里便聞其聲江水北逕嵯山山下有亭亭帶山臨
江松嶺森蔚沙渚平靜浦陽江又東北逕始寧縣
嶧山之成工嶠嶠壁立臨江欹路峻狹不得併行
行者牽木稍進不敢俯視嶠西有山孤峯特上飛
禽罕至嘗有采藥者於山見通谿尋上於山頂樹
下有十二方石地甚方潔會稽志引此注還復更

會稽志引此注
作地甚光潔

朱六懷烟可
作亭名

尋遂迷前路言諸仙之所憩故以壇讌名山喬

北有嶧浦浦口有廟廟甚靈驗行人及樵伐者皆

先敬焉若相侵竊必為蛇虎所傷北則嶧山與嶽

山接二山雖曰異縣而峯嶺相連其間傾澗懷煙

泉谿引霧吹哇風馨觸岫延賞是以王元琳謂之

神明境事備謝康樂山居記浦陽江自嶧山東北

逕太康湖車騎將軍謝玄田居所在會稽志引水經注作謝玄

舊居右濱長江左傍連山平陵脩通澄湖遠鏡於江

曲起樓樓側悉是桐梓森聳可愛居民號為桐亭

水經注

卷四十

十九

樓樓兩面臨江盡升眺之趣蘆人漁子汎濫滿焉

湖中築路東出趣山路甚平直山中有三精舍高

甍凌虛垂簷帶空俯眺平林煙杳在下會稽志引此注云俯

眺平煙杳水陸寧晏足為避地之鄉矣江有琵琶

圻圻有古塚墮水甍有隱起字云筮吉龜凶八百

年落江中謝靈運取甍詣京咸傳觀焉乃如龜繇

故知塚已八百年矣浦陽江又東北逕始寧縣西

本上虞之南鄉也漢順帝永建四年陽羨周嘉上

書始分之舊治水西常有波湖之患晉中興之初

遠六烟杳在
下聲震木外
是尋常耳
目所能拈出
朱云俯眺平
林烟杳在下
極善下語陳
正字詩深山
古木平沈磨
事詩雲氣落
青岑皆此語
景而幻不可
凌

樂云文選武
漁或商不直
此闕字

治今處縣下有小江源出岫山謂之岫浦逕縣下
西流注于浦陽祿山下注此浦浦西通山陰浦而
達于江江廣百丈狹處二百步高山帶江重陰被
水江闊漁商川交樵隱故桂棹蘭棹望景爭途江
南有故城太尉劉牢之討孫恩所築也江水東逕
上虞縣南至王莽之會稽也本司鹽都尉治也地
名虞賓晉太康地記曰舜避丹朱於此故以名縣
百官從之故縣北有百官橋亦云禹與諸侯會事
訖因相虞樂故曰上虞二說不同未詳孰是縣南

水經注

卷四十

二十

有蘭風山山少木多石驛路帶山傍江路邊皆作
欄干山有三嶺枕帶長江若若孤危望之若傾緣
山之路下臨大川皆作飛閣欄干乘之而渡謂此
三嶺為三石頭丹陽葛洪遜世居之基井存焉琅
邪王方平性好山水又愛宅此自本作
友宅蘭風垂釣於
此以詠終朝行者過之不識問曰賣魚師得魚賣
否方平答曰釣亦不得復不賣亦謂是水為上

虞江縣之東郭外有漁浦湖中有大獨小獨二山
又有覆舟山覆舟山下有漁淵王廟廟今移入裏

山北一作三山孤立水中湖外有青山黃山澤蘭

山重岫疊嶺參差入雲澤蘭山頭有深潭山影臨

水水色青綠山中有諸塢有石榭一所右臨白馬

潭潭之深無底傳云創湖之始邊塘屢崩百姓以

白馬祭之因以名水湖之南即江津也江南有上

塘陽中三里隔在湖南常有水患太守孔靈符遏

蜂山前湖以為埭埭下開瀆直指南津又作水榭

二所以舍此江得無淹漬之害縣東有龍頭山山

崖之間有石井冬夏常冽清泉南帶長江東連上

水經注 卷四十一

陂江之道南有曹娥碑娥父盱迎濤溺死娥時年

十四哀父尸不測宋本作不得乃號躄江介因解衣投

水祝曰若值父尸衣當沈若不值衣當浮裁落便

沉娥遂於沈處赴水而死縣令度尚使外甥耶鄆

子禮為碑文以彰孝烈江濱有馬目山洪濤一上

浪隱是山勢淪岫亭間歷數縣行者難之縣東北

上亦有孝子楊威母墓威少失父事母至孝常與

母入山采薪為虎所逼自計不能禦於是抱母且

號且行虎見其情遂弭耳舊本作弭耳而去自非誠貫

精微孰能理感于英獸矣又有吳瀆破山導源注於胥江上虞江東逕周市而注永興地理志云縣有仇亭柯水東入海仇亭在縣之東北一十里江北柯水疑卽江也又東北逕永興東與浙江合謂之浦陽江地理志又云縣有蕭山潘水所出東入海又疑是浦陽江之別名也自外無水以應之浙江又東注于海故山海經曰浙江在其東在閩西北入海韋昭以松江浙江浦陽江爲三江

斤江水出交趾龍編縣東北至鬱林領方縣東注于

水經注

入卷四十一

斤江水

二十三

鬱

地理志云逕臨塵縣至領方縣注于鬱

容容夜緇湛乘牛渚須無無濡營進皇無地零侵黎侵黎水出廣州晉興郡郡以太康中分鬱林置得至臨塵入鬱

無會重瀨夫省無變由蒲王都融勇外此皆出日南郡西東東入于海

漢地理志日南郡有小水十六并行三千二百八十里屬交州此無

會諸水蓋十六水之名也

容容水在南垂名之以次轉北也右三十水從江

已南至日南郡也

嵩高為中嶽在潁川陽城縣西北

春秋說題辭曰陰含陽故石凝為山國語曰禹封九山山土之聚也爾雅曰山大而高曰崧合而言之為崧高分而名之為二室西南為少室東北為太室嵩高山記曰山下巖中有一石室云有自然經書自然飲食又云山有玉女臺言漢武帝見因以名臺紀異志嵩山有玉女擣帛石立秋前一日中夜常聞杵聲

泰山為東嶽在泰山博縣西北

水經注 卷四十

二十三

岱宗也王者封禪於其山示增高也有金策玉檢之事焉

霍山為南嶽在廬江灑縣西南

天柱山也爾雅云大山宮小山曰霍開山圖曰其山上侵神氣下固窮泉

華山為西嶽在弘農華陰縣西南

古文之惇物山也禹貢云終南惇物至於烏鼠按禹叙雍州不言華山故以惇物當之然西傾朱圉烏鼠至於太華已記之矣漢書云惇物山垂山也豈垂華字相亂邪

雷首山在河東蒲坂縣東南

若重相死則停
若不若於此則停
云太華山在南扶
其地相若其
下後坐其
其地相若其
其地相若其
其地相若其

尋常為之致怪
如子終南二十里
風之上下自東而

砥柱在河東大陽縣東河中

王屋山在河東垣曲縣東北也

昔黃帝受丹訣於是山也
抱朴子云黃帝陟王屋而授丹經

太行山在河內野王縣西北

王烈得石髓處也
神仙傳王烈字長休鄆人嘗

兩畔皆青石石中一穴有青泥流出如髓烈取泥
試丸之須臾成石嚼之氣如粳米飯用攜少許示

夜
嵇叔

恒山為北嶽在中山上曲陽縣西北

碣石山在遼西臨渝縣南水中也

水經注 卷四十一 二十四

大禹鑿其石右夾而納河秦始皇漢武帝皆嘗登
之海水西侵歲月逾甚而苞其山故言水中矣

析城山在河東濩澤縣西南

太嶽山在河東永安縣

壺口山在河東北屈縣東南

龍門山在河東皮氏縣西

梁山在馮翊夏陽縣西北河上

荆山在馮翊懷德縣南

岐山在扶風美陽縣西北

關山在扶風汧縣之西也。禹貢無關山。漢志扶風汧縣有吳山在西。古文以為

汧山。周禮雍州之鎮曰嶽山。鄭云吳嶽也。

隴山終南山。停物山在扶風武功縣西南也。

頊山在隴西臨洮縣西南。頊讀曰傾。舊作須。據漢志改。

禹貢中條山也。禹貢西傾。因桓是來。馬融王肅禹貢說云。岍為北條。西傾中條。嶓冢

南條。凡三條也。

嶓冢山在隴西氐道縣之南。

南條山也。

鳥鼠同穴山在隴西首陽縣西南。

水經注 卷四十一

三十五

鄭玄曰。鳥鼠之山。有鳥焉。與鼠飛行而處之。又有止而同穴之山焉。是三山也。鳥名為鶡。似鷄而黃

黑色。鼠如家鼠而短尾。穿地而共處。鼠內而鳥外。

孔安國曰。其為雌雄。杜彥達曰。同穴止宿。養子互

相哺。食長大乃止。張晏言不相為牝牡。故因以名

山。沈約宋書。汝州甘谷嶺北有雀鼠同穴。或在山嶺。或在平地。雀色白。鼠色黃。地生黃紫花草。便

有雀鼠穴。此雖非本注。存之以廣異聞。

積石在隴西河關縣西南。

山海經云。山在鄧林東河所入也。

都野澤在武威縣東北

縣在姑臧城北三百里東北卽休屠澤也古文以爲豬野也其水上承姑臧武始澤澤水二源東北流爲一水姑臧縣故城西東北流水側有靈源池

宋本作靈淵池

王隱晉書曰漢末博士燉煌侯瑾善內學

語弟子曰涼州城西泉水當竭有震闕其上至魏嘉平中武威太守條茂起學舍築闕於此泉太守填水造起門樓與學闕相望泉源徙發重導於斯故有靈淵之名也澤水又東北流逕馬城東城卽

水經注

卷四十一

二十六

休屠縣之故城也本匈奴休屠王都謂之馬城河又東北與橫水合水出姑臧城下武威郡涼州治地理風俗記曰漢武帝元朔三年改雍曰涼州以其金行土地寒涼故也遷于冀晉徙治此王隱晉書曰涼州有龍形故曰卧龍城南北七里東西三里本匈奴所築也乃張氏之世居也又增築四城箱各下步東城殖園果命曰講武塲北城殖園果命曰玄武圃皆有宮殿中城內作四時宮隨節游幸并舊城爲五街衢相通二十二門大繕宮殿觀

譚云古不修
此楫楫之
張也

閣采綺妝飾擬中夏也其水側城北流注馬城河

河水又東北清澗水入焉俗亦謂之為五澗水也

水出姑臧城東而西北流注馬城河河水又與長

泉水合水出姑臧東楫次縣王莽之播德也按漢地理

志楫次縣屬武威郡孟康云楫音子如反次音咨舊本作楫誤西北歷黃沙阜而

東北流注馬城河又東北逕宣威縣故城南又東

北逕平澤晏然二亭東又東北逕武威縣故城東

漢武帝太初四年匈奴渾邪王殺休屠王以其衆

置武威縣武威郡王莽更名張掖地理志曰谷水

水經注 卷四十一

二十七

出姑臧南山北至武威入海屈此水流兩分一水

北入休屠澤俗謂之為西海一水又東逕一百五

十里入豬野世謂之東海通謂之都野矣

合離山在酒泉會水縣東北

合黎山也

流沙地在張掖居延縣東北

居延澤在其縣故城東尚書所謂流沙者也形如

月生五日也溺水入流沙流沙與水流行也亦言

出鍾山西行極崦嵫之山在西海郡北山有石赤

水火相生自是至理
但說得妙

白色以兩石相打則水潤打之不巳○奇○語○妙○理○潤盡則火出

山石皆然炎起數丈逕日不滅有大黑風自流沙

出奄之乃滅其石如初言動火之事發疾經年故

不敢輕近耳流沙又逕浮渚歷壑市之國又逕于

鳥山之東朝雲國西歷崑山西南出于過瀛之山

大荒西經云西南海之外流沙出焉逕夏后開開

上三嬪于天得九辯與九歌焉又歷負丘不死之

西入于南海據宋本補六字

三危山在燉煌縣南

水經注 卷四十一

二十八

山海經曰三危之山三青鳥居之是山也廣圓百

里在鳥鼠山西即尚書所謂窠三苗于三危也春

秋傳曰允姓之姦居于瓜州瓜州地名也杜林曰

燉煌古瓜州也州之貢物地出好瓜民因氏之瓜

州之戎并於月氏者也漢武帝後元分酒泉置南

七里有鳴沙山故亦曰沙州也

朱圉山在天水北冀縣南

即冀縣山有石鼓開山圖謂之天鼓山九州害起

則鳴有常應又云石鼓山有石鼓於星為河鼓星

動則石鼓鳴。石鼓鳴則秦土有殃。鳴淺殃萬物鳴。深則殃君王矣。

岷山在蜀郡湔氐道西

漢書以為瀆山者也

嶓冢山在弘農盧氏縣南

是山也。穀水出其北林也

荆山在南郡臨沮縣東北

東條山也

漢地理志云禹貢北條荆山在馮翊襄德縣南其南條荆山在南郡臨沮縣東

北此云東條所未詳也

卞和得玉璞於是山楚王不理懷璧

水經注

卷四十

二十九

哭於其下後玉人理之所謂和氏之玉焉

内方山在江夏竟陵縣東北

禹貢注章山也

大別山在廬江安豐縣西南

禹貢内方至于大別孔傳云二山在荊州漢所

經也荊州大別山在江夏郡此廬江大別疑非一山

外方山崧高是也

桐柏山在南陽平氏縣東南

陪尾山在江夏安陸縣東北

衡山在長沙湘南縣南

禹治洪水血馬祭衡山於是得金簡玉字之書按省玉字得通水理也

九江地在長沙下雋縣西北雲夢澤在南郡華容縣

之東東陵地在廬江金蘭縣西北前後漢志廬江郡無金蘭縣按漢志

廬江郡注云金蘭西北有東陵鄉水經三十二卷注中有金蘭縣

敷淺原地在豫章歷陵縣西彭蠡澤在豫章彭澤縣北

尚書所謂彭蠡既豬陽鳥攸居也

中江在丹陽蕪湖縣南東至會稽陽羨縣入于海震

水經注 卷四十

澤在吳縣南五十里北江在毗陵北界東入于海

嶧陽山在下邳縣之西

羽山在東海祝其縣南也

縣即王莽之猶亭也尚書殛鯀於羽山謂是山也

山西有羽淵禹父之所化其神為黃能以入淵矣

故山海經曰洪水滔天鯀竊帝之息壤以堙水不

待帝命帝令祝融殺鯀羽郊者也

陶丘在濟陰定陶縣之西南

陶丘丘再成也

澤在定陰水雷澤在濟陰成陽縣西北荷水

山陽湖陸縣南蒙山在太山蒙陰縣西南大野澤在

山陽鉅野縣東北大邳地在河南成臯縣北

爾雅曰山一成謂之邳然則大邳山名非地之名

也禹貢東過洛汭至于大伾鄭玄注云大伾在脩武武德之界張揖云成臯縣山也臣瓚漢書注云脩武武德無此山而成臯山又不一成今黎陽縣山臨河是大伾也

明都澤在梁郡睢陽縣東北益州沱水在蜀郡汶江

縣西南其一在郫縣西南皆還入江荆州沱水在南

郡枝江縣三澨地之南在邛縣之北沱當沱漢志蜀郡汶江縣注江

沱在西南東入江南郡枝江縣注江沱出西東入江邛縣誤漢志南郡有邛縣疑轉寫訛也

尚書曰導漢水過三澨地說曰沔水東行過三澨

合流觸大別山陂故馬融鄭玄王肅孔安國等咸

以爲三澨水名也許慎言澨者埤增水邊土人所

止也按春秋左傳曰文公十有六年楚軍次于句

澨以伐諸庸宣公四年楚令尹子越師于漳澨定

公四年左司馬戍敗吳師于雍澨昭公二十三年

司馬蕞越縊於蓬澨左傳作蕞澨服虔或謂之邑又謂

之地京相璠曰杜預亦云水際及邊地名也今南

遠在定陰水雷澤在濟陰成陽縣西北荷水

陽南陽二縣之間濟水之濱有南澁北澁矣而諸
 儒之論水陸相半又無山原出處之所津涂關路唯
 鄭玄及劉澂之言在竟陵縣界經云邛縣北池然池
 流多矣池流當而論者疑焉而不能辨其所石
 右禹貢山水澤地所在凡六十

洪武初年... 萬曆... 有以通... 不... 不... 不...

存與... 何... 記

